



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno DCCCLXXII. ad annum DCCCCIX.

**Parisiis, 1644**

XIII. Priuilegium monasterii Floriacensis.

**urn:nbn:de:hbz:466:1-15967**

456 IOANNES P.VIII. CONCILIVM L<sup>V</sup>DOVICVS III. IMP.  
L<sup>V</sup>DOVICVS BALBVS R. F.

XII.

ALLOCVTIO PONTIFICIS AD EPISCOPOS  
*sub finem Synodi.*

ANNO  
CHRISTI  
878

**V**os confratres & coepiscopos meos volo vnamimenter  
mecum in defensione sanctæ Romanæ ecclesiæ, quam  
constat esse caput omnium ecclesiarum, conuenire, do-  
nec Deo auxiliante in sedem beati Petri apostolorum prin-  
cipis reuertamur, cum omnium hominum vestrorum ar-  
mata bellico apparatu manu: & de hoc, non differendo,  
sed sub omni celeritate & certitudine sponsionis, hic mihi  
quæso absque villa dilatione continuo date responsum.

*Item allocutio pontificis ad regem.*

Vos, carissime fili Hludouice gloriose rex, precor, in  
defensionem, liberationem, atque exaltationem sanctæ  
Romanæ ecclesiæ, sicut prædecessores vestri fecerunt, &  
vobis sub attestatione facere mandauerunt, sine procrasti-  
natione & villa dilatione succurrite: quia ministri Dei estis,  
vindices in ira in his qui male agunt, & non sine causa gla-  
dium portatis: ne forte, quod absit, illa vos aut regnum  
vestrum culpa contegat, quæ quosdam veteres regesini-  
micis & infidelibus Dei quondam parcentes damnabiliter  
strinxit. Vel si aliud placet, præfentaliter in isto loco date,  
per Deum & per beatum Petrum vos coniuro, sine mora  
responsum.

XIII.

Priuilegium monasterio Floriacensi concessum  
in Synodo Tricassina.

*Ioannes episcopus seruus seruorum Dei, omnibus episcopis atque  
aliis Dei fidelibus per Galliam constitutis.*

**Q**VONIAM ex apostolica \* successione sollicitudinem \* f. log.  
Omnibus ecclesiis debemus impendere, sic cupimus  
generali consulere necessitatibus, ut etiam quorumcumque  
singulares causas sine fastidio cognoscamus. Igitur cum  
propter multiplices ecclesiæ Dei curas Gallicanam adeun-  
tes regionem, Trecas ciuitatem deuenissemus, anno in-  
carnationis dominicæ DCCCLXXVIII. & ad resecanda  
quæ-

ANNO  
CHRISTI  
878. quælibet inutilia, vel statuenda ecclesiastica iura, Synodum generalem plurimorum celebraremus episcoporum, inter alia suggestis auctoritati nostræ venerabilis partium vestrarum abbas, nomine Theotbertus, ex cœnobio quod vocatur Floriacus in pago Aurelianensi, quod idem monasterium quidam religiosus abba, Leodebodus nomine, monachis extruxerit in honore Dei & sanctæ genitricis Mariæ, nec non beati principis apostolorum Petri: quod reuelatione ditina per monachos eiusdem loci a Beneuentana prouincia corpus illuc sancti Benedicti peruerterit olim allatum, ibique reuerenter humatum, sicut manifestissima constat veritate: & quod propter stabilitamentum monasticæ religionis, piæ memoriarum gloriosus imperator Carolus per præceptum suæ auctoritatis eidem loco res denominatas delegauerit, partim a regibus, partim a religiosis hominibus, pro amore Dei illic contributas, vt vivum atque vestitum monachi ibidem Domino militantes deberent habere: nec non & hoc, quod beatæ recordationis pater eius serenissimus Augustus in ipso loco hospitale nobilium, quod Porta appellatur, iuxta regularem institutionem, itemque hospitale pauperum, in sui parentumque suorum eleemosyna statuerit, & res ad hoc opportune agendum, nec non alias ad lumen ecclesiæ administrandum iusserrit deputari. Quæ omnia per iam dictos monachos hactenus ibidem comperimus obseruari. Nunc vero tam seipsum, quam vñanimem congregationem sibi commissam, humiliter postulare, quamvis priuilegia multorum meruerint episcoporum, ad reprimendam quorumlibet illicitam cupiditatem, vt super abbate regulari ex eis eligendo etiam nostræ auctoritatis priuilegia consequantur. Quocirca nos potestatem, quam gratis a Christo accepimus, secundum euangelicam auctoritatem gratis prodeesse omnibus cupientes, vice beati Petri apostoli discernimus, vt in sepe memorato loco serui Dei absque quietudine debitum suæ religionis persoluere possint seruitum secundum regulam patris Benedicti, a propriis abbatibus, monachis videlicet ex eodem cœnobio regulariter electis, in perpetuum gubernentur. Nec illarum rerum, quæ vel in prælibato præcepto nominatim continetur, vel a prædicto abbe venerabili nunc eiusdem loci

Concil. Tom. 24.

M m m

Theotberto præfati monasterii officiis deputatæ habentur, vllam ab aliquo vnquam patiantur imminutionem, & etiam rebus, quæ deinceps a quibuslibet religiosis hominibus eodem loco peruerint condonata. Quod si quis hoc nostrum beneficium irrumpere præsumperit, & stipendia seruorum Dei in alios vsus conuerterit, ab apostolica communione anathematis animaduersione illum separamus, vt nisi admonitus e vestigio se correxerit, cum rapacibus a regno Dei exclusus quæ meretur tormenta persoluat. Ut autem hoc priuilegium certam obtineat fidem, & Dei famulis in iam dicto Floriacensiœ coenobio securitatem conferat, quamdiu Deus & Dominus noster ecclesiæ suam durare voluerit, nostra id subscriptione roborauimus. Scriptum per manus Georgii scribæ sanctæ sedis apostolicae, in mense Augusto, indictione xi. Bene valete. Data Nonis Septembbris per manum Vvalberti humillimi episcopi sanctæ Portuensis ecclesiæ, anno Deo proprio pontificatus domini nostri Ioannis summi pontificis, & vniuersalis papæ, in sacratissima sede beati Petri apostoli sexto, indictione xi.

## XIV.

GESTORVM SYNODALIVM CONCILII

Tricassini breuis altera narratio, quam habet Aimoinus

lib. v. cap. XXXVII.

INTEREA Ioannes papa generalem Synodus cum episcopis Galliarum & Belgicarum prouinciarum agens, qualiter Lantbertum & Adalbertum, Formosum quoque, & Gregorium nomenclatorem, ac complices illorum Romæ excommunicauerit, relegi fecit in Synodo, & consensum episcoporum in eadem excommunicatione quæsivit. Vnde qui adfuerunt episcopi petierunt, vt sicut ipse excommunicationem, quam fecerat, per scripturæ rationem recitari fecit in Synodo, ita & eis concederet, vt per scripturam illi suam consensionem proferrent. Et concedente ita fieri papa Ioanne, in crastinum episcopi hoc quod sequitur diploma papæ in Synodo porrexerunt: *Domine sanctissime ac reverendissime pater patrum Ioannes, &c.* Quod diploma Ioannes papa suæ excommunicatio-